

Visoki predstavnik osudio napad u Rajlovcu

Visoki predstavnik Valentin Inzko izrazio je iskreno saučešće porodicama dva pripadnika Oružanih snaga BiH, Armina Salkića i Nedeljka Radića, koji su izgubili živote u sinoćnjoj pucnjava u Rajlovcu. Oštro osudivši ovaj napad, visoki predstavnik je pozvao odgovorne sigurnosne agencije i nadležne organe da provedu brzu i temeljitu istragu o ovom napadu.

“Ovo je ozbiljan i tragičan događaj u kojem su dva pripadnika Oružanih snaga BiH, dva ljudska bića, dva sugrađanina, izgubila život. Ovaj bezumni čin ne smije biti iskorišten za politizaciju. Svi se trebaju suzdržati od ishitrenih zaključaka sve dok nadležne institucije ne završe istragu. Siguran sam da će agencije za provođenje zakona u BiH provesti brzu i potpunu istragu“, rekao je visoki predstavnik.